

وينوي

الشمس بتشرء من ورا الجبال. لُ مَرَا والرجال مش عَم يلحئو تطليع عَلْ حَمْس سِتَّ مِيلَات... بيجزبو
يكمشو الشعاع ويلبسوه. إيدئِن ما كان صرئِن زمان نَشئَلو عَنَلْ أَرْض. وصايئَعُن بَعْدُن ما بيعرفو يميِّزو بين نِعْمَة
لُ حَيَاة وتئل لُ مَادِي لُ يَابِسِي. راحو بْ دَهشِي طويلي.

م : شو هادا؟

ر : ما بعرف.

م : عَم يئرب

ر : لَو بعرف...

م : ما بيتعب؟

ر : بعرف شوف، وبس

م : بَدِي إِغْمُر! دِس!

ر : ...

م : شو تُولَك؟ في حدا

وَرَا؟

ر : لَو في حدا

كان طالعلو حِسّ.

م : جايي حدا. هِسّ.

ر : حدا؟

م : سَمَاع! سَمَاع!

ر : هادا لُ هَوَا.

م : طُلَاع

تُطْفَلِي من السجرا

شي تَ نَاكُل. جِعت.

ر : وبعد لُ أَكَل؟

م : نُعْرِيش

تُؤَفِّع الصخرا

بيخاف عَمَلْ مَرَا، بيغمرا

إلى مَدِّي ما طَلعت.

ر : وبعَد الصخرا ؟

م : نَفَّش

عن مغارا أَدفا

ومش رِطبي.

ت نَغفا!

نسيجا نُحطَّلا

عَ فَتَحنا دَبش.

عالي، ما تَوَصَّلا

الطَوِي وُلا لَ حَيِّي

السودِي، لَ حِرشيبي.

حَتَّا وُلا لَ وحش

يَلِّي بيحي طَحش.

تابلو أربعتعش

XX لَ مَرا والرِجال بَعُدن بِلَ مغارا. الدني لَيل. لَ بَرَد شَتائيف بيض عَم يراشئو نُزول. هيدي عيانة آخر الشتي. لَ مَرا بتوعا عَلَ لَبيد، وبتوعِي الرِجال.

م : نُوم شوف لَ بَرَد شَتائيف

كبار، تُراشئنا من فَوء.

فُتاح، نُطَلع بكرا كيف؟

الرجال بيفتح باب

لَ مغارا وبيصير يتَطَّلع

ر : الرِيح: حَواتو لَافِ طَوء

زَمادي.

م : ونجِمة ثبل الضو؟

ر : خلف لَ عَيم. وفي بالجو:

بِكَرًا بِنَّا نَشُوفُ الضُّو

بُ وَتَو. يَا وَتَو، طَالِع

أَبْيَضُ مِنْ خَلْفِ التَّلِي

وَلِي بِيَدِي رَاجِع

يِرْعِم، يَعْتُدُّ وَيَحْلِي.

م - ر: وَيُنْكَ؟ يَلُ بِتَخْلِي

لُ مَا يَبْدُرُ يَمَلِي

مِنْ التَّبْعَا يَشْرَب.

خَلِّي لُ عَتَمِي ثَمَل!

وَهَجِ الدَّفَا يَثْرَب،

وَالضُّبَابُ يَفَل.

م - ر: مَا عَادَ فِينَا نُسَاع

سَعَا

بُ عَتَم

وَعَتَم

بُ سَعَا.

وَيَا هَالضُّو طَلَاع.